

Fasnacht machen in der VKB 1884

Pfeifen Trommeln lernen

Top Instruktoeren

Tolle Erlebnisse das ganze Jahr über

Übungslokal direkt am Messeplatz

Übungstage: Dienstag (Pfeifen)
Mittwoch (Trommeln)

www.vkb.ch

VEREINIGTE KLEINBASLER
FASNACHTSGESELLSCHAFT



1884





Fasnacht 2026 Jungi Garde

Die Zöll sinn für d Pingu d Höll

Zwüsche Australie und Madagaskar
im Indische Ozean liige e baar
Insle, wo kuum öbber kennt
und wo me Heard und McDonald nennt.
In dääre kalte, antarktische Zone
dien nur Pinguin und Robbe wohne,
und Meeresvögel, wo in dr Felseküschte nischte,
aber Mensche hets kaini, nit mool Tourischte.
S wär dört fascht wie im Paradyys,
wenns nit so vuyil Schnee hätt und Ys.
Doch giengs nach em Wille vom US-Präsident,
hätt das idyllische Läbe bald en Änd,
denn dä het versproche vor de Wahle,
ass alli Länder meh Zoll mien zahle,
wo weniger Ware importiere,
als si nach Amerika dien ussfiere.
Drum droht är de Robbe und Pinguin
mit zäh Prozänt Zoll, und dänggt, s wär dr Ruin
für d Inselbewohner am Änd vo dr Wält,
denn für so hochi Gebühre fähli dääne s Gäld;
wenn die nit spuure, maint är, denn wärde
die Zöll für d Pinguin d Höll uff Ärde.
Doch het dä guet Maa ganz vergässe,
ass die gratis Fisch uss em Ozean frässe,
und ass d Dier, wo uff den Insle wohne dien,
kai Rappe Mieti zahle mien,
und überhaupt, das macht en bsunders verruggt,
bruuche die gar kaini US-Produkt,
denn alles, was si konsumiere,
schänggt ihne s Meer, si mien nüt importiere,
und si verkaufe au nüt und hänn drum e ganz
e perfäkt ussglicheni Handelsbilanz
vo exakt null Dollar, und die Null stoh symbolisch
für dr IQ vom Präsident, wo gaischtig so hohl isch,
ass sy Spatzehirn aifach nit ka begryffe,
ass d Pinguin uff syni Zöll dien pfyffe.

Wotsch afo Fasnacht mache?
Scan mi!

